



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 65. Species facti & juris a Patribus Oratorii typis vulgata.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

nuo longius protracto triginta tres Catholici Strandiani libellum supplicem obtulerant, exponentes, quod integro ferme anno sine Sacerdote & Sacrificio vivere cogerentur, proin humillime rogarent, ut quamprimum fieri posset, novus iudicii terminus præfigeretur, & citatis Participantibus eorumque Advocatis hæc caussa agigaretur, & quam citissime decideretur: Nec sine fructu horum erant preces; confestim enim die quinta Junii utrique parti injunctum, ut comparere festina- rent; simul etiam Participantibus præfatus Catholicorum libellus communi- catus, eisque insinuatam fuit, ut, nisi alia obstarent, his Oratoribus, ceteris- que Catholicis permitterent, ut occur- rente necessitate P. Düringkus Pastora- le officium exerceret:

§. LXV.

*Species facti & juris a Patribus Ora-
torii typis vulgata.*

Recepto hoc Curiaë iudicio Patres Oratorii totius hujus causæ seriem anno hujus sæculi quadragesimo secun- do publicis typis vulgare decrevere, edito scripto, cui titulus: *Factum & deductio pro parte R. P. Joannis Francis- ei Düringcks nomine suo & ceterorum Pa-
trum*

Sæc. XVIII.
A.C. 1740.

trum Oratorii Lovaniensium & Mechliniensium tanquam Con-Participantium Insulæ Strandicæ Septentrionalis contra Stallerum Indervelden reliquosque Consortes pariter dictæ Insulæ Participantes pro cassatione mandati Regii pœnalis die vigesima septima Junii 1740. & annexorum &c. In hoc scripto Auctor supra relatos libellos, argumenta, & rationes in synopsis contraxit, & non modo Regium mandatum aboleri, & Sacramenta per Patrem Düringck a Joanne Adolpho Osnabrugensi Episcopo interim destinatum Parochum Catholicis administrari, sed etiam Participantes ad expensas litis damnari petiit, his quoque adjunxit alia documenta ad hanc rem spectantia, & diplomata Pontificia contra Ultrajectensem Archiepiscopum edita, quibus comprobatum, omnes hujus Insulæ Pastores hucusque partim a Papa, partim a Vicario Apostolico Hannoveræ agente ad curam animarum deputatos fuisse.

Attamen adversus hoc scriptum Participantium potissimi in puncto prætensæ extensionis exercitii Religionis privati aliud factum seu deductionem divulgabant, in qua præfatus Zizcherus hujus scripti Author originem Catholici cultus in hanc Insulam inventi, necnon controversiam inter Pontifices Romanos

nos & Ultrajectinos Archiepiscopos fu-
 sius retulit, postea vero præcipue Jo-
 anni de Baesrode objectum Jansenismi
 crimen, & sui ordinationem ab excom-
 municato factam confutaturus respon-
 dit, tam hunc quam illum unacum to-
 to Clero Hollandico apprime Catholi-
 cos esse, eosque ad ejurandam hæreti-
 cam Jansenii doctrinam in damnatis pro-
 positionibus contentam semper paratos
 fuisse, nunquam tamen a legitimo Ju-
 dice auditos, nec eorum defensionem
 exceptam, cum tamen Christus Domi-
 nus Matthæi c. 18. id omnibus suis
 Successoribus demandasset, ac ipsemet
 Innocentius XII. specialiter circa Viros
 in foederato Belgio de Janseniana hæresi
 postulatos præceperit, ut nullus nisi le-
 gitime in judicio convictus propterea
 suo privetur officio, aut anathemate
 percellatur: idque tam ex sanæ ratio-
 nis regulis, quam Catholicorum scrip-
 tis comprobari, præterea Capitulum
 Trajectense contra intentatam excom-
 municationem, & priusquam hoc sa-
 crum fulmen vibraretur, mox ad re-
 medium appellationis recurrisse, ex
 ipsa autem appellationis interpositæ na-
 tura constare, ipsisque Romano-Ca-
 tholicæ Ecclesiæ statutis consonum esse,
 excommunicationes post interpositam
 appellationem suo carere effectu: Si
 vero

Sæc. XVIII.
 A. C. 1740.

Sæc. XVIII. vero obiiceretur a Patribus Oratorii, A. C. 1740. a Pontificum decisionibus appellationem ad universale Concilium non valere, eis opponi, quod plures Pontifices facti essent, quod sua iudicia quidem in rebus fidei, non autem in aliis causis infallibilia essent, ac propterea Clerum Gallicanum tanquam Catholice Ecclesie fundamentalem legem adoptasse hanc conclusionem, quod *iudicium Papæ absque Ecclesie consensu non fit irreformabile.* Si ergo hoc iudicium est reformabile, tunc appellandi libertatem extra omnem controversiam esse, ac de eiusmodi appellationibus in nullo alio foro, quam in Conciliis universalibus judicari posse, his quoque sine ullo dubio Papam esse subiectum, idque ex decretis Synodorum Pisis, Constantiæ & Basileæ celebratis probari: insuper Catholicos Insulæ incolas hucusque nunquam, quod in Pastoribus ab Ultrajectino Episcopo constitutis, eorumque ministerio carperent, invenisse, priusquam Patres Oratorii publicum Religionis cultum invehere attentassent: postquam vero hi suas rationes juridice probatas nonnullis ex suis aſſeclis omni data occasione instillare conati essent, inde necessario ortum fuisse, ut ad consolidandas hæc rationes inter suos Pontificias quoque excom

excommunicationum Bullas disseminarent: id vero eo minus tolerandum, quo certius in ipsis etiam Romano-Catholicis Regnis ac Statibus ejusmodi Bullas sine Principis territorialis præscitu ac consensu publicare & divulgare, indictis quoque severis pœnis vetitum esset: item notum esse, quod ejusmodi excommunicatio a Liparitano Episcopo anno Christi millésimo septingentesimo undecimo sine *exequatur* Regio in Siciliæ Regno promulgata non modo fuerit declarata tanquam nulla, sed etiam, cum in monitorio Romano propugnaretur, decisiones ac decreta oraculo supremi visibilis Ecclesiæ Capitis emanata, ac proin divinæ potestati subnixata a nulla humana potestate labefactari posse, huic sententiæ Siculos mox sese opposuisse, pariter in Galliis petente Regio Advocato præfatum hoc monitorium in Sicilia publicatum a Parisiensi Parlamento non tantum fuisse suppressum, sed etiam rursus per publicum edictum omnibus intimatum, omnino ac pro semper severe prohibitum esse, Brevia & Bullas a Romana Curia editas sine Regio beneplacito recipere, exequi, reimprimere aut vendere: Denique

Hist. Eccles. Tom. LXXVI. B b b que

Sæc. XVIII.
A. C. 1740.

Sæc. XVIII
A. C. 1740

que foederati Belgii Ordines tale interdictum specialiter in suis Provinciis promulgasse, & anno hujus sæculi vigesimo quinto die vigesima quinta Aprilis in suo ad Venetos responso contra illimitatam Romanæ Curiaë potestatem in eorum ditiones pari modo mentem suam declarasse: immerito quoque recens electo Pastori Baesrodio a Patribus opponi, ipsum non a septentrionalium Statuum Vicario Apostolico fuisse inauguratum; id enim omnino esse necessarium, probari non posse, potius per octoginta & amplius annos omnes Catholicos hujus Insulæ Pastores ab Ultrajectino Archiepiscopo constitutos fuisse, nec contrarium ex allatis documentis probari &c. Ex his ergo inferebant Participantes, quod hi motus partim ab ipsis Patribus concitati, partim a quibusdam incoelis propagati non ex sincero Religionis Catholicæ Zelo, sed ex immaturo se Parochiali Ecclesiæ subducendi, & domesticum cultum ad publicum extendendi ardore, ac præcipue ex humanis & male fundatis consiliis profluxissent: Eapropter Regium poenale mandatum executioni dari petierunt.

§. LXVI.